



Publicaziuns dalla vischnaunca, jamna 12

Damonda da baghegiar

Datum da publicaziun: ils 22 da mars 2013

Nr. 2013-1013

Il patrun: Pencilaras Mustér SA Via Acletta 2, 7180 Disentis/Mustér

Il representant: Pencilaras Mustér SA Via Acletta 2, 7180 Disentis/Mustér

Object: Lavurs da meglieraziun^vid la pista enteifer il territori da skis, parcella 2541, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/ Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 15-3-2013

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

2012-1069

Stweg Casa Capuns, Gassa da Cuoze 5, 7180 Disentis/ Mustér; spazzar il baghetg existent e reconstruir in niev suttetg per autos, parcella 1692, Gassa da Cuoze 5, 7180 Disentis/Mustér.

2013-1001

Hansjürg Nägeli, Brunnenwiesenstrasse 28, 8610 Uster; construcziun da dus parcadis, ulivar plaz da seser, parcella 1850, Via Plaun Sut 12, 7180 Disentis/Mustér. Quellas lubientschas san vegnir contestadas enteifer 30 dis dapi la publicaziun el Fegl official dalla Surselva tier la Dertgira administrativa dil cantun Grischun.

Disentis/Mustér, ils 18-3-2013

Uffeci da baghegiar Disentis/Mustér

Administraziun communal

Sur Pastgas ei l'administraziun communal serrada naven da *gievgia, ils 28 da mars 2013 allas 16.00 entochen mardis, ils 2 d'avrel 2013 allas 9.00.*

Administraziun communal

Seduta dil cussegl da vischnaunca dils 15 da mars 2013

Precedent alla seduta dils 15 da mars 2013 ha il cussegl da vischnaunca fatg ina viseta alla Distec AG. En siu plaid da beinvegni ha il directur Loris Marsura presentau la firma e rendiu attents all'actuala buna situaziun dallas empustaziuns. Ei vegn denton pli e pli grev d'anflar ed engaschar bien personal dil fatg. Cheu spera el sin il sustegn dallas autoritads communalas enten porscher ad interessents bunas cundiziuns da habitar a Mustér e contuorn. Las commembras ed ils commembers dil cussegl da vischnaunca han saviu prender investa dallas differentas partiziuns sco era dallas novas maschinas che la Distec AG ha acquistau dacuort.

Suenter l'investa ha il cussegl da vischnaunca salvau ina cuorta seduta ellas localitads dalla Distec AG. Sut il presidi da *Flavio Murer* ha il cussegl eligiu *Wendelin Jacomet* sco commember dalla cumissiun per la midada dalla constituziun communal. Sut l'ura da damondas ha la suprastanza communal rispundiu differentas damondas ch'eran vegnidas inoltradas a scret avon la seduta.



Alla fin dalla seduta ha il president dil cussegl da vischnaunca communicau l'abdicaziun immediata da cusseglier leodosi Maissen. Cun quei che leodosi Maissen mida domicil, sto el seretrer sco commember dil cussegl da vischnaunca e dalla cumissiun da baghegiar. Plinavon ha Flavio Murer informau ch'el seretili dalla cumissiun da gestiun suenter la seduta dil cussegl da vischnaunca dils 26 d'avrel 2013.

Suprastonza communal

Lenna da brisch

Damondas per lenna da brisch (sper plaz da lenna Fontanivas ni franco a casa) ein da far *en scret entochen ils 12 d'avrel 2013* agl uffeci forestal dalla vischnaunca da Mustér, Simon Cathomen, caum postal 57, 7180 Disentis/Mustér.

Uffeci forestal Disentis/Mustér

Corporaziun d'aua Spina da vin Invit alla radunonza generala

Mardis Pastgas, ils 2 d'avrel 2013 allas 20.15 el hotel «Disentiserhof», Disentis/Mustér.

Tractandas:

1. Beinvegni
2. Elecziun da dus dumbravuschs
3. Protocol, approbaziun
4. Rapport dil president
5. Rendaquen, rapport dils revisurs e dar scarica
6. Projects novs
7. Preventiv e program da lavur
8. Elecziuns:
 - a) president
 - b) 4 commembers da suprastonza
 - c) 2 revisurs da quen
9. Varia

Suenter la radunonza vegn offeriu in mudest refrestg. Tuttas commembras e tuts commembers ein cordialmein envidai e beinvegni.

*Corporaziun d'aua Spina da vin
La suprastonza*

Apparats d'udida

Gliendisdis, ils 25 da mars 2013 saveis Vus schar schubergiar e regular Vies apparat d'udida el Center da sanadad Sursassiala SA a Mustér che sesanfla en claustra ed a Curaglia. A Mustér ei il liug signalisau:

- a Mustér naven dallas 14.00 tochen ca. las 15.15
- a Curaglia naven dallas 15.30 tochen ca. las 16.30

L'uniun Pro Audito Chur, cun Arthur Jacomet fa quei survetsch per tuts interessents gratuitamein.

Cordial invit *Center da sanadad Sursassiala SA*



**Societad da musica Mustér
Exercezi public**

Interess da sunar in instrument da stuors? Marveglias, co la musica exercitescha? Interess d'emprender d'enconuscher la differenza denter in bass ed in cornet?

En quei cass nudar grond e gries dumengia, ils 24 da mars ell'agenda: La Societad da musica Mustér envida in e scadin (scolars e carschi) agl exercezi public en halla Cons. Nus sunein ed exercitein, nus mussein ils instruments e secapescha haveis Vus la pusseivladad d'empruar ora ils instruments. *Cu e nua: dumengia, ils 24 da mars allas 13.00 en halla Cons.*

**Corporaziun Alp Pazzola
Invit alla radunonza generala**

Venderdis, ils 22 da mars 2013 allas 20.15 el local dall'uniun da scursaladers a Mompé Medel.

Uniun da dunnas Mustér

Sonda sontga avon messa dallas 20.00 vegn vendiu las candelas decoradas da commembras dall'uniun da dunnas.

Suprastonza uniun da dunnas

**Uniun d'allevaturs da razza brina Mustér
Invit alla radunonza generala**

Mardis, ils 26 da mars 2013 allas 20.15 ell'ustria «Fravia» a Disla. A stedia participaziun envida *la suprastonza*

Fiera da resti d'affons a Mustér

Venderdis, ils 22-3-2013 dallas 19.00–21.00
Sonda, ils 23-3-2013 dallas 9.00–10.30